

子良詩存

子良詩存卷十七

番禺馮詢

同治初元恭紀

負展

皇冲幼

垂簾

母聖慈

恩綸三殿下

法紀萬方知

諫不

臣

偃武虞干羽和戎漢節旗休徵彰

子良詩存

卷十七

世德俯仰瑞重熙

咸豐辛酉秋五星聚奎黃河清

宵旰無窮事求言意獨增

奉 上諭 側席求言

憂勞頻

玉詔感激到金縢天厚

神聰早時難

帝業宏春臺新氣象皞皞慶同登

酬方樹人

舉世從戎翰墨輕感君投贈見平生轉因失路聯踪迹
曾爲題橋識姓名入座談詩驚劍氣到門問字喜車聲
江東獨步須年少二十飛騰陸士衡

寥落無端託詠歌江湖歲月坐消磨知音白雪交原寡
聽曲青衫淚最多得友忘年今孔禰耽詩成病老陰何
愛君比愛崑山玉苦摘瑕瑜不厭苛

題蔣幼矩世講

繼慶

柳陰尋釣圖照卽送其歸中

州

問柳尋花踏綠莎風流年少得偏多披圖忽憶君鄉句

人笑藍衫似采和

此元遺山句也而元詩屢用藍衫和亦奇因圖寫藍衫戲及之

寥落江湖獨立看扁舟雖好客歸難一枝折取珊瑚樹

贈與才人作釣竿

子良詩存

卷十七

二

爲王小初太守重題攬轡圖照卽送之任瑞州

太守下馬爲書生太守上馬能將兵提戈草布尋常有
難得英雄轡在手太守攬轡何翩翩澄清有志方少年
長鞭欲下不肯下太守愛民兼愛馬踏平棘野稅桑田
血汗功成意瀟洒一麾乍出六轡柔神君作牧臨瑞州
花驄未送王新使竹馬先迎郭細侯馬上治之馬上得
神駿由來不可測局促勸嗟轅下材飛騰合配車邊物
穩步徐行轉羨君卽今戎馬正紛紛眼中豪傑知多少
誰是臨厓勒轡人

奉酬吳竹莊都轉

坤修

卽送督師赴江南大營

少年橐筆壯鳴笳勲業疑爭鄧仲華百戰干戈名將裔

謂令祖太僕公

一門簪笏世臣家荏苒劫過頻聞角桑梓功成

遂建牙卻足樂憂忘不得部民翹首望尤奢

公觀察吾粵未到任

卽晉都轉

提戈擁旆事長驅談笑雍容尙里閭今日雄才皆秉節

幾人戎畧肯藏書

公自云所藏十萬卷以上

偶看墨盾知磨久

承惠佳墨

卽論詞壇賈勇餘忽憶錢塘風浪惡三千強弩待吳胥

時賊竄杭州

子良詩存

卷十七

三

以花鉢送竹莊都轉承惠絕句賦此答之

瓦盆風味拙休嗤換得琳琅絕妙詞一鉢送將名士座
半栽花草半催詩

寶澤安排事事工阿誰刮目似吳儂書生好古羞寒儉

白石青瓷當鼎鐘

鉢皆鍾鼎文

望廬

望湖亭上對煙靄慚愧公餘盡日看咫尺匡廬遊不得
可知官職入山難

紅花缸

樊家山下暖風吹掩映牆頭露酒旗一笑開缸春意開
滿天紅雨落花時

送痘神

十分春色正芳菲兒女青紅簇綵旂開到六花聞笑語

破寒羣送痘神歸

去冬及春連番大雪醫師
謂種痘最宜故皆平順

喜聞同人有重修鴻雪軒之舉作詩促成之

佳遊難得及時催一角新軒又水隈
鷗鷺舍南兼舍北雁鴻飛去復飛來
莫愁楚炬灰心過重見吳山倦眼開
頃刻金光彈指現世間原有好樓臺

檻外狂濤日夜馳登臨何限壯心悲干戈未定聊爲客
杯酒能來亦可見三徑延賓追蔣翊十年從事感袁綏
諸公不費調元手料理煙霞欲待誰

武陽渡爲黎定叔同年作

西江號水鄉隨地賴置艚吁嗟跋涉難最險武陽渡險
不在風波在觸舟師怒壯士窮無顏臨涯歎遲暮奈何
義同舟視等秦越誤君是此鄉人來往亦驚怖慨然請
大吏集貲重船具功成遂十年反覆乃多故君復一意
行始終期永固自從海寇生嘯聚恣馳騫將軍起操江

叱咤戈船驅躍躍黃頭郎拚力功名慕宗慤旣浪破王
濬肯風住不畏一葉輕只求萬里赴誰念故鄉津咫尺
先窘步以君濟川才出必早設措時有出之語安得徧海隅
處處如斯路卻制狂鯨鯢勿忘閔鷗鷺

魏柳南司馬以所藏文衡山畫卷屬題

蒼茫何處尋靜極飛驚湍有客聲聞禪坐石當蒲團陰
陽默鼓盪元氣蓄一泄筆墨化煙嵐三百年不滅有明
稱四家唐戴派不同衡山述淵源低首石田翁鉅價購
勿惜愛公重公墨公有卻金亭此寶不易得

同治壬戌二月新建陶真翁司馬

斌玉

杜海翁徵

君熱同日重遊泮水各有詩賦此奉和

桃李春風拂髮邊紅顏白髮色逾鮮
一雙花下耆英會六十年前弟子員
笑曳長裾增媚嫵記裁短策起聯翩
座中後輩爲司業不識何人主講筵

答陳梅孫刺史

汝楨

見贈

時難任重豈能休車馬匆匆又渡頭
磨礪漸除湖海氣征輸方切廟堂憂
奉委來吳興會籌浙餉歡催暖酒三春盡
老對寒燈五夜籌一樣蹉跎歸未得
登臨翻恐望鄉愁

湖上停舟記舊因十年回首散如雲憶陳宰星子予于役北上便道造訪

談譙極樂距今十一年矣歧途未了身猶健同輩無多念轉殷白鹿

自存仙迹遠紅羊纔過客心焚芬芳卻憶文壇樹謂朱文公

祠老桂培植當年仗使君

口占送于立齋少尉鼎元卸署吳城主簿任還省

蓮花幕下揮毫客蒲葦營邊擊柝官壯志未酬君又去

蕭蕭風雨大江寒

投筆從軍圖爲鍾階平題圖寫階平率妻妹奉母作別階平與其夫人皆

題詩圖上

雕戈隊裏擁釵裙投筆題詩慰老親班氏多才兄更妹
輸君兼有畫眉人

題潘敬菴先生家傳應令嗣果齋司馬

毓瑞之屬

通德門庭澤有加養成棠蔭亦蘭芽英雄獨傳宜千古

文武殊科共一家

果齋昆仲
文武科甲

幕下運籌新事業篋中遺

籍舊生涯河東沃土田園在願早封侯學種瓜

王小初太守疊次寄詩賦謝二章卽題太守詩集

知君心苦與翩翻絡繹投函刮目看揮羽傳詩都護印
吹毛求律惠文冠十年戈盾磨金屑一卷珊瑚間木難

今日文章車馬重漫勞垂問到江干

地險時難重立勲風流偏喜政聲聞鳩形問俗傷耆老
驢背尋春識使君潘陸多才方弱歲孟韓聯句未離羣
論文樽酒平生意爲感知交望轉殷

蔣矩亭兄之子綬珊孝廉奉母率眷屬扶父柩回
籍順道過訪吳城並出其父遺稿請定吳固矩
翁舊治也讀矩翁在吳時詩益復悵念以綬珊
行速匆匆加墨未盡於懷追賦二律誌感

廿年書劍一官遊素旄重來感畫舟詞賦有靈兒女慧

風流頓盡弟兄愁
驛亭兵過題還在
禪院僧歸局未收
往事欲尋耆老問
自經離亂幾人留

客散南皮唱和稀
賞音誰共轉依違
幾人一字無增減
此事千秋有是非
知己論文丁敬禮
故家遺籍謝宏微
梁園後起才何限
雪月聯翩賦筆揮

蔣籍河南

題張子岡少尉

璠

詩卷時少尉從事江南大營

怪君容易唱從軍
落魄儒冠愧戰巾
競病一歌齊攔筆
幕間無地着詩人

得薛慰農司馬

時雨

江東詩函長歌奉答

馬君座中識薛君等是江東才不羣謂予異地有同氣
論詩亦許張一軍君乎世屬金閨彥胡爲作吏塵滿面
州青縣白自風流百劫紅羊滄海變十年鼙鼓喧征蠻
吳頭楚尾越中間英雄奔走百不遂幸此詩酒猶能閒
沈沈戰氣風波路斷梗飄蓬安得住嗟予散吏老關津
看爾飛騰過江去羨君此去氣必揚雄冠劍佩身昂藏
奈何謫卷行萬里浮踪轉轉仍故鄉知君此行非得已
便是殊才須料理長歌當哭吐胸懷寄我江東書一紙
展書不覺悲心顏沈機鬱勃彩筆斑平生抱負痛一洩

雖有經濟行路難君才豈合吟詩老亂世文章亦顛倒
萬古詩名李杜尊誰念薛華長句好

吳竹莊都轉招集半畝園索詩賦長歌以呈

竹莊先生骨氣豪種成竹亦破格高殊花異草等侍從
豈有太白人蓬蒿先生胸次羅九有手拓名園但半畝
園外彭浪何奔馳收入半畝爲盆池園邊廬嶽何絕特
收入半畝爲屏石尋常邱壑盡等閒先生已嫌半畝寬
入座只要容蒲團座中圖照如此林下大老例好禪談禪又復
談兵去終恐有園不得住及時尙待掃塵蕪得地宜留

好煙樹新秋爛漫瓜果筵座中裙屐皆少年愧我衰庸
苦奔走願作先生灌園叟嗚呼園亦不必七十里屋亦
不必千萬間廣居易得獨樂傾樽且學孔北海折屐
誰如謝東山先生許我狂亦得命我淋漓大潑墨知公
燕然石最多竊取一片爲題壁

以詩板留存吳城鴻雪軒小閣中感賦二首

鐫心鏤骨事一笑付朽木鐵券猶塵土況乃蒲與竹卻
恐詞投溷嘔血負昌谷方策苟不存大非斯交福而此
薄竿材受雕鵬亦足終勝作勞薪處處泥塗辱更勝作

食案日日蠅臭逐念茲珍享帚遂如玉韞櫝

殺青非得已守黑良獨難魏公即藏拙流傳南北間到處留詩卷癡哉白香山匪惟好名念亦有翰墨緣平生記遊迹最數鴻雪軒十五年毫詠如沙鳥篆存未肯忘指爪安得棄心肝且自束高閣位置隨人翻

胡詩之司馬

心庠

出所購枝雲畫冊屬題

欸題枝雲構畫

細辨圖章則名家構枝雲其號也

展卷幸完好徘徊翰墨因畫圖兩朝筆

自題仿元明人筆意詞賦

一家人

枝雲爲其從子蘭壑作

此事關興廢曾誰辨質真流傳無

姓氏妙手幾沈淪

寥落江南路胡君訪古還
雲煙董北苑烽燼謝東山
得亦恐仙去題仍防俗訕
轉悲華第物多少沒塵寰

中秋

杯酒殷勤語素娥及時光彩莫蹉跎
也知後夜還相照不似今宵看者多

鴻雪軒落成胡蔚之司馬招同置酒軒中爲吳竹莊都轉過江作別賦詩兼呈都轉司馬

草草林亭布置粗十年遊興未全孤
重偕南浦將離客

來作西園雅集圖風景不殊詩寄託塵踪能合酒招呼
時平轉爲窺園幸猶有閒區長綠蕪

寂寞青衫愧翠旗名場終羨此遊嬉萬金買宅惟三徑
五簋留賓亦一時出岫雲難憑聚散過江風要辨雄雌
斧柯在手吳剛去好月纔圓孰主持

時中秋
後四日

有談軍功冒濫仕途抑塞者作詩示之

三殿方憂四海窮年年優賚勉從戎世間將相尋常有
留着封侯待戰功

紛紛競起救時英董賈何功策治平偏費立朝曾侍御

苦爭班格爲書生

時有御史曾公協鈞以正途爲軍功捐納兩班所歷選用無期奏請一

概儘先遇缺等名目仍各歸各班庶仕路不淆人才竝進

黃鑄海大令

來晨

將歸山左過訪吳城賦二律送

別

可堪戎馬久相依忽漫重逢悵別旂一事無成慚我在
四方多難送君歸停舟訪友情逾重捧檄論兵願已違
莫唱大江流日夜客心悲甚謝元暉

升沈誰得料雄才磊落酣歌且莫哀北郭亂竿終一散
東山殘局倘重開天空退鷁仍行路秋老呼鷹更上臺

篋裏緇衣君莫澣記同勞苦舊塵埃

閩中秋竹漁姪孫自粵至吳卽送赴江南大營
薄宦辭鄉老不堪汝曹紛別望眈眈今年多出一輪月
半付江南半嶺南

題日本女史清淑畫梅蘭

寒花偶傍幽花喜寫出日南春一紙可知瘴癘已潛消
閒到海隅兒女子海隅兒女愛青紅無端禍起阿芙蓉
掃除烽火澤雨露香國美人畫清素我聞唐代朝京都
日本風雅羣蠻無陳芳女解舞巴渝此畫應歸王會圖

自題悔道人按劍圖

平生悞攜劍一把使我足跡半天下風塵水火百不辭
磨鍊功成安肯捨愈不肯捨氣愈雄劍乎欲化爲銅龍
爲龍莫爲蛇夜深鬼母啼咨嗟爲龍莫爲魚有客無食
歌路衢化龍劍儘作龍吼道人自有馴龍手道人道人
爾能鑄劍劍利不腰間一佩六十秋胡爲上不得封侯
下不得報仇東奔西走空人投知爾挫折悔不休棄之
卻恐魑魅偷入匣手按珍藏收道人道人爾能藏劍又
恐劍光滅英雄抑塞誰能別至寶不用當頑鐵

送姪孫煥光出關迎父喪

七月哭我兄

仲兄子

十月哭我姪姪亡自暮春信遲冬始

得一樣傷逝心望遠倍悽惻煥孫實孝廉萬里收父骨
死者長已矣生者遠誰卹汝父隨出關少妾及弱息鳴
鳴小兒女忍淚待汝滴轉爲汝回頭頻年溯閱歷自從
送父歸從軍冒鋒鏑節相愛汝才置汝幕府側至性汝
過人事事蒙賞識札委差事有至性過人之語聞汝痛父喪誓死遠
行役深知不可留檄汝辦馬匹使汝立邊功從我在墨
經同人助麥舟念此負藁席遂使行路人見汝聲唧唧

繞道來見我知我痛無極汝祖汝未見仲祖今又畢嗟
我逾六旬孑然悲獨立老宦不能歸忍見家離析努力
勉汝行前途奮功績中原正旗鼓塞外反安逸歸來或
見我問歲七十一茫茫邊塞心慘慘江湖夕彷彿玉門
關天涯在咫尺從古出關人洒淚和血墨怪得邊頭山
染作胭脂色

峻孫將出關談及父死塞外則號咷大哭追念庶
母携小弟妹隨侍賢勞今得遠歸重聚又不禁
破涕爲笑而悲愈深矣予憫其情景可憐旣爲

長古題出關圖述哀復口占二十八字送之

萬里一家生死夢十年四度往來身
陽關痛哭陰山笑豈是尋常行路人

輓仇毅生大令卽題其遺像

與世異同隨人俯仰噫百里侯讓千夫長
匪顯匪晦匪沈匪浮亦高於鶴亦拙於鳩
萬鍾且輕五斗何慕撒手便行苦爾婦孺功名已矣利澤則長君乎其神始終瑞

昌

大令會宰瑞昌臨終自言瑞昌人來迎作城隍神

黃莘農中丞

賀湯

移節吾粵路次吳城命題檢書

憂患從來是奇遇若非烏臺詩獄與公也何由嶺南去
八百年來記不真披圖彷彿有前因願公風雨消閒地
添箇羅浮悔道人

題牧馬圖

唐宋馬筆兩絕特子美詩歌子昂畫世無鉅手皆皮毛
索驥按圖安可得此圖馬不盡精神精神全在牧馬人
人能牧馬馬意動駿姿驚質皆爲用卽看十馬橫圖中
跳臥飲嚙馴則同傾心竭力牧不已意與羣馬共生死
牧人奔走繁有徒就中卓立一蕃奴此奴生與衆牧殊

八尺以上瘦硬軀眼光深黑虬髯鬚紅絨毬子振頭顱
抹額線錦羅紋敷禿襟小袖腰繫粗犢鼻猪皮雙脚烏
左手隱體如彎弧右手半出不出孤五指仰掀龍擘珠
側身悍視若有呼羣馬羣牧朝而趨指揮隨奴意所如
馬受奴養如待哺馬報奴德能馳驅此奴可握三軍符
卽今戰血萬里塗瘡痍滿目馬已瘖馬隊年年來自胡
隊中頗有此奴無世無將才將軍吁嗚呼將軍且勿吁
斯養亦入功臣圖君不見漢家牧人金大夫

再題牧馬圖

碌碌何功逐馬塵羣奴嬉笑一奴瞋側身指點全神注
要作人間相馬人

題行脚僧圖

風塵閱盡不嫌污翻笑全跌又半跌坐破蒲團無益後
始知行路是工夫

送張梅生大令世講

兆熙

自吳旋省

梅生爲吾師南山先生之

孫小蓬世兄之子時方奉
辭回公事未了尙滯江西

淒淒風雪大江濱半載重逢合又分似爾千愁偏止酒

涓滴錢家三代其論文窮途倘薦嵇中散誓慕空悲王
不飲

右軍若問功名年少事未嘗殘懶只宜勤

爲君豪氣吐如虹終愧江湖一長翁
筆墨蒼涼嗟老大米鹽瑣屑誤英雄
聯床剪燭聞雞雨到岸收帆退鷁風
榮落得歸無不可嶺梅能白亦能紅

爲楊雨餘上舍

日新

題百花香裏看春耕圖

飢驅愧無田田固在世上造物本無私
得地卽生長豈惟黍稌供兼以花柳貺
野老自力勤高人自懷暢及時語田父
佳日休輕放紅綠賞已足青黃接可望
私田亦公田有畔不妨讓種禾亦種花
有土不宜曠吾將柴桑

村一訪陶元亮

吳柳莊上舍

修整

自江南移白梅一株植於吳城

鴻雪軒花甚盛作詩紀之

時柳莊兄弟皆領兵江南

將門培植見功熟破臘移春不厭勤萬疊風濤千點雪
渡江梅似白衣軍

柳莊上舍偕令弟柏莊太守

修整

招飲半畝園賞

紅梅梅固柏莊自江南載歸也

玉樹珊瑚種作田風光流轉興無邊看春半畝如千頃
計日重來又一年芳信暗傳殘雪地熱情微動艷陽天

鼓聲催長桃花浪恰到將軍載酒船

湖軒雅集圖

五湖不敵一杯酒百年不敵卯至酉宇宙太窄酒量寬
吸海入壺亦何有卽如此湖軒江山滿眼前酒人相謂
曰爛漫無此筵不必邀陶彭澤亦不必邀李青蓮尋常
三五知己便可同流連青衫司馬閒亦酌杖頭無錢笑
寒薄忽復醉語從天落何物非酒具何地非酒區較量
升斗毋乃愚何不卽以此軒爲酒壺壺公隱此稱潛夫
死願爲壺鄭非虛軒中花氣如醞醠蝴蝶會旣羣而趨

都中雅集各携一壺
一碟詠爲嘲蝶會鳥亦提壺相招呼春風醞釀歸吾

徒此而不醉胡爲乎壺中日月何徐徐醉生夢死皆須
臾卻勿酒酣耳熱擊缶歌鳴鳴唾壺擊碎禍不無土崩
瓦解事可吁何如此壺穩臥無驚虞俯仰天地等寄居
依然以軒爲遠廬何者臺閣何江湖且請畫師爲我畫
此湖軒雅集圖

贈戴春波畫師

雲

戴皖人時寓
吳城鴻雪軒

浮蹤難合况風埃今古同岑感異苔泥雪自痕蘇軾去
江山如畫戴顒來貶成腹稿長懷筆開到心花恰舉杯

借問龍眠無恙否君鄉圖籍盡清才

一角鄉園讀書樓自經離亂去難留春風秋月耽愁負
剩水殘山刻意搜作地行仙家亦累號天隨子客能遊
形容憔悴吾慙甚猶費先生筆下收

湖上觀燈

金迷紙醉舞蹁跹散作繁星聚作煙手下魚龍原戲耳
眼前蛟蜃轉茫然登場傀儡來何暮近水樓臺得最先
忽憶燈船歌管盡江湖飄泊已多年

元夜遇雨

且判燈節讓燈樓陰雨何庸替月愁儘有出頭年內事
滿儲光彩待中秋

賞春口號卽柬諸遊侶

散吏能閒亦散仙朝朝湖上結遊緣與君更訂尋花約
廿四番風廿四筵

讀書

黃卷青燈裏茫然遂白頭道高時輩忌名重古人憂二
夜歐陽子千秋李鄴侯至今爲口實儒術未全休

莫被狂儒誤浮夸豈可親英雄羞識鬼怪異敢搜神有

酒差云樂無書始覺貧名山傳勿負此意欲歸頻

贈胡蔚之司馬

心庠

胡先宰廬陵因公被議旋奉委總辦南九三府釐務

百里輕拋一解顏轉緣挫折更翩翩朝無倖位賢才易
市有清聲計吏難特爲籌邊思卜式漫勞煮海借桓寬

時大營以運鹽濟餉而釐局照稅爲至大

至尊今日憂民甚誰分無功賦伐檀

交采風流正少年紅花缸畔駐遊鞭

局設吳城

經營便到軍

儲竹談笑曾陪幕府蓮殷浩情懷休咄咄元瑜才調固
翩翩臺釐千里君須記莫但陳書學計然

爲陳吉甫內姪

福善題照

十丈塵埃七尺身
遨遊隨地見經綸
畫師畫出陳驚座
世上愁無刮目人

美材何必歎當門
奕葉清芬手自存
培遠堂前重衍澤

培遠堂各爲令祖文恭公所貽

一枝還是舊蘭孫
圖寫手執蘭花一枝

門人章立廷秀才屬題走馬看花圖

碧桃紅杏世間稀
努力騰驤上翠微
八百單寒齊仰首
看君高折一枝歸

馬上春風馬下塵
惜花兼惜看花身
飄茵墮溷無窮事

都付長安攬轡人

爲人題畫牡丹帳簷

選艷徵香倦更癡莫教春盡怨將離
楚王夢裏能雲雨
種得名花第一枝

吳城去任留別士民

散吏何功愧部民卻緣佳久覺情親
江湖跌宕無端老

官職經營只剩資六百石完應退步

邵曼容作官不肯過六百石同知養

廉正六百也

三千卷在要隨身

君門萬里誰忘得筋力猶能上

紫宸

倭滿卓異併案引見

烽煙回首不勝悲十五年來事事非青史蒼官閒去住
黃童白叟亂依違陳蕃有意還留榻謂鴻雪軒仲蔚無功合
掩扉終恐此行廬岳笑入山期負望稀微

廬山紀遊

出城訪秀峰遂到歸宗址

歸宗寺亦名瞻雲寺被賊蹂躪存故址耳

變態已

萬殊遊程只廿里夙霧黯乍開重雲競又起陰陽妙鼓
盪晴雨皆暢美我既乘風來安肯阻雨止決然入雲去
四顧詫轉喜峰巒盡向我意示我神技忽拋玉一條懸

掛萬峰裏與人指語我此是瀑布矣跋涉欲尋源未悟
功德水脉僅一綫垂勢已千古峙餘力分數支各各逞
奇詭此中有真宰非可核常理回頭看羣峰隱秀奮甚
侈或臨若君王或侍若臣子或歡若妻孥或懍若奴婢
高者俯而就卑者仰而企似以瀑爲綱崖壑受經紀滔
滔勢日下誰是中流砥矯矯卻不羣金輪峰一指卓犖
便摩天廬岳無凡壘窮幽知未能訪僧問宗旨僧也導
我遊墨刻一一視中有紀功碑文成曾戰此時復見手
民羣竭力不已人生脩憂患半在識字始功名亦偶然

文字糟粕耳在山只言山餘事勿臧否念此半日閒得
之珍莫委不見出山林旋復混城市

龍潭

出爲霖雨便英雄偏戀層巖掛遠峰萬丈飛騰君自愛
到潭雖好是潛龍

憩潭上石亭

遊人捷足登老我苦無力坐石聽流泉滔滔不得息

飯歸宗寺

纔覺官倉米可憎禪門淡薄一餐曾公餘厭郡爲閒客

劫過尋山見病僧菜把亦恩飢更賴茶瓜頻會老猶能
野遊況是清和月櫻笋厨盤處處登

紫陽老桂

紫陽手植桂傳者多言虛君謂宋時花今日當何如孔
林有著草孟廟有柏株榮落自千秋此是道之腴自從
公作郡棠陰此永垂卽看烽火殘碩果獨茲廬山中諸寺皆爲
賊毀紫陽書院巋然獨存當年開講堂部民咸知書至今書院在山
長須大儒桃李盡公門辦香分桂餘學道要本根枝葉
皆粗疎

鹿洞

入洞盡神仙未見斯民福亂後荒始耕居人今逐逐轉
覺鹿逍遙不及牛蔽簾卻思古高人志不在果腹濟民
別有道力豈等樵牧或者危時危默護沃土沃十載我
重遊一樣山水綠劫運誠難免可免或林麓

遊廬山歸忽忽解纜留呈南康顏小汭太守

獨遊入廬山意與麋鹿友爲恐山神笑不敢謁太守

遊資旣盡廢然思返

遊尙無能買豈能杖頭錢盡出山陵亦知貧是吾家物

到處追隨卻可憎

自南康回泊吳城聞父老言自銘觀察

銘岳

前任

吳城司馬時曾遊廬山今復見馮司馬矣語殊
有致小詩紀之

佳近江湖是逸民雅遊歸聽笑言親廿年前後談官長
肯入廬山只兩人

寓宅在湖上靈應橋橋名甚俗矣改靈應爲另影
作詩告知己兼乞和贈

只在塵邊俗未遙避名如隱不須招萬條楊柳垂垂護

家住湖西另影橋

獨立蒼茫駐客蹤
偶扶橋杖聽淙淙
臨流忽現畸零相
笑煞人間陸士龍

章門旅館送家鐵華觀察三弟

譽馳

自粵催餉旋

浙觀察兄弟四人長四皆宰江蘇次則展雲宮
詹時督學江右奉召將入觀觀察順道

省親兼謀
迎養入浙

慷慨登朝別里閭
弟兄聯轡許馳驅
雲霄庾嶺飛鴻信
烽火吳山立馬圖
况感

國恩酬跋迹若論軍務
首征輸功成咫尺無多路
且辦

子良詩存

卷十七

三

團樂色笑娛

簡書星火驛風沙祿養經營駐使車亦識袁安難閉戶
肯同溫嶠便忘家一鄉燕集聊停足同鄉公宴萬里鵬搏合
建牙喜動鯉庭春不盡半栽桃李半棠花

李芋仙大令

士葵

攜次君

文琛

招丁恬生張雲生

戴春波潘新齋偕予同集章門新豐酒樓冒大

風雨以歸芋仙作詩索和次韻應之

栖栖勞影聚重城邠喜時難得笑聲我輩偶然還作會
古來飲者必留名招搖過市防人識慷慨登樓爲爾行

風雨自催題自緩新豐文字不宜輕

張梅生爲侯翰園畫梅屬題

侯籍山西

異地看花意轉親天涯春色爲誰新一枝遠寄情逾重
不贈南人贈北人

鍾仲甫觀察

世楨

屬題行樂園

功高百戰草堂開收歛豪華逸興催賓客沈吟兒女笑
無人知道使君來

解意先看拾翠童獨於羣綠進鮮紅神仙富貴公兼有

一顆丹砂入手中

園寫一小童依膝前獻牡丹一朶

子良詩存

卷十七

二十六

爲人題捫心自問圖照

紛紛癡點現凡身形影何能問假真盡日沈吟拋不得
此公知是有心人

珠江侍釣圖爲張梅生題

梅生此圖誌祖澤也今
祖南山先生自號珠海

老漁梅生
自號漁孫

珠江江水流濺濺釣遊倏閱五十年五十年中多少事
出處浮沈吾亦異憶昔吾師開講堂珠江歸詠吾侍旁
師才豈合漁樵老出山經濟皆文章掉頭忽返江干住
我不如師逐塵去萬卷空傳錦繡篇一竿已負珊瑚樹

吾師舊治屬章門捧檄今復來師孫嗟予同官久飄泊
相顧話舊心茫然師號老漁聊復爾混跡釣徒非得已
漁孫大要識此心時難詎可耽煙水嶺雲爛漫江漣漪
爲政風流今在茲令祖經綸已貽厥喜君圖畫能繩其
君家兄弟如龍起清水濠梅生所居里名頭鄉遠矣安得魴乎
爲寄書重談鯉也同聞禮

桃紅柳綠圖爲喬瀛槎太守

廷樾題

韶華行樂及時催五色圖成畫閣開人意崢嶸天爛漫
綠風紅雨一齊來

喜見莎廳雨露新栽培花草盡精神何須借重丹青手
太守胸中有好春

鐵華觀察弟屬題山堂話別圖

有序

觀察以運鹽濟餉自浙捧檄來江同鄉諸公置
酒邀集章門水觀音亭出此圖屬題蓋出山時
同人集餞所作也予宦遊江右近三十年矣見
此圖慨然有思鄉之感題贈長律一章

一時聯襪集壺觴道是同鄉已異鄉正逐壯遊馳海國
轉因良會憶山堂雪邊煮餉調劑法塵裏題詩急就章

卻喜風雲分際遇依然翔雁戀成行

令兄展雲宮
詹時同燕集

送江西督學家展雲宮詹

譽驥

奉

召入

覲

出掌儒衡入史箴士民感化幸公臨登壇詞伯知名早
報

國文翁用意深正近談經歡色動乍聞

徵詔別愁侵時危要勵忠臣傳秉筆終煩大翰林

時命

史館爲殉難
諸臣立傳

不才慚愧附宗家鯉對叨陪誼有加水木根源雖戀土
雲泥踪跡易搏沙重培舊德資人望喜見新陰愛物華

他日爲霖到廬嶽匡君猶識使星車

贈李季仙弟卽送赴皖

夙聞風義薄雲天慷慨悲歌亦偶然爲政陽城何碍拙
談文米芾只宜顛但留清氣生無愧不避狂名世已傳
終笑迂儒太多事恃才成佛又成仙

季仙有仙佛
進多才之句

愧我衰庸意不勝久耽岑寂厭飛騰安排倦跡非充隱
擬結閒緣恰近僧

予寓佑
清寺側

入市見書貧可惜登山攜酒

老猶能過江又送才人去乍合旋離恨轉增

季仙弟臨別屬題小照

惆悵新離感舊陪
披圖隱隱笑顏開
重來會面知何日
更向江亭認一回

爲陳薇垣書記題聞琴夢蝶圖

圖繪桐樹下紛列
雜花數蝶飛繞薇

垣屹坐庭院中諸兒環侍受書一兒倚闌撫琴
圖名因其夫人早逝於行樂寓感舊也時薇垣

年七十
餘矣

依然磊落見風姿
花木琴書事事宜
棲老鳳凰知客久
夢殘蝴蝶似人癡
萬言揮灑曾無敵
半世安閒賴有兒

長君已
作官矣

塵倦未歸吾愧甚
爲君清福羨題詩

鄱陽徐孝子詩

羽檄曾臨孺子廬慨然忠孝想純儒不知經過殘烽後

墓道梅花剩幾株

孝子廬墓時白梅花繞墓甚盛

題黃一花朱簪花兩烈女遺稿

兩烈女皆避寇投井死

閨中風教汝能持絕命偏留絕妙詞又入秋墳供鬼唱

一編哀怨井梧詩

贈胡雲樵秀才

栗恒

卽題其詩草

織似吳綾鍊似金要知詞艷意逾深藝談轉憶吾師訓

終始論詩一字沈

張南山先生論詩以沈字爲主見所著藝談錄

紛紛毀譽亦何常此事千秋有較量莫被床頭椎腳客

無端成就作癡郎

讀史有作

漢薦最魏尙不薦卽爲寃尙有百戰勦仇囚等棄捐一
薦再拜守報功理則然轉轉始上達乃費馮唐言忽復
爲馮悲自困談薦賢白首不見招可笑亦可憐

公孫忌且深飾意慕文學爲博愛才名大闢平津閣仲
舒旣已徙汲黯亦相駁閣中復何人客饋特虛作薦賢
聲譽隆假薦易寂寞何待奴婢室始爲主人作

禰衡受孔薦孔實負禰衡大臣舉賢才應引與同升胡

爲一薦了任其自死生孔本非相位或難爲禰成奸曹
敢壓薦孔辱禰則榮雖然孔薦書藉藉至今稱薦一世
者功薦萬世者名

擢郡守有作

詢以饒防贛防兩次軍功蒙善後局憲詳保知府登奉者憚兩中丞批准

未一奏近十年矣李輔堂方伯屢諭詢日汝案必保庶昭公允至是局憲復詳沈中丞彙奏

始有此擢

抱負何才遇已慳偏勞笑謝與嗔顏依人自分龔黃側

任同知十五年矣

待我安能季孟閒夢斷三刀疑白劫功成九

轉幸丹還

聖朝有物原無棄誰爲絲麻念蒯萐

薦書初上轉沈思幾見蹉跎特達知赤汗竟成才易盡
白頭雖遇報無期豈應事上惟名譽便不封侯未數奇
卻笑折腰如折柳三眠三起費扶持

大計卓異

至是凡三
次卓薦

我無魯令才所詫亦三異回頭近卅年一官究何事由
令而丞守閱歷頗云備讀律兼讀書未脫腐儒氣意只
談風月忽復驚烽燧慨然事從戎功成謗書至朝廷無
倖位大吏肯才棄區區拙笨材屢薦轉增愧誠樸而穩

重考語首四字悃悃本無華上官謂能治臣精亡久矣
報恩恐無地安穩老名場不歸更何俟

霞軒太守以所藏山谷書松風閣詩墨蹟屬題

同治癸亥夏六月淋漓潑汗宦場熱霞軒太守示我書
颯颯清風快於雪黃書論比畫竹枝風飄雨灑紛傾欹
此卷偃仰泰直幹又似松老盤龍螭當年鉅手橫一代
未見懷素猶蒙譏豈知公老筆愈健長沙三昧生離奇
此書書自武昌道憑臨高閣胸襟披以松風名閣寄傲
下視江木皆卑卑具此胸襟放此筆較此君軒尤雄詞

展卷殷勤再三讀七百年豈有完幅字句脫落紙缺殘
好手裝潢實如玉霞翁得此會有緣墨蹟所屬非偶然
否則此帖已行世悠悠誰者知真詮我讀且驚亦且喜
塵牘勞勞安得此世間寶物出有時天公護持今付爾
讀公書轉感公詩登舟載友傷流離蘇黃一樣文字禍
僥也得歸宜不歸今古才人窮際遇枯木寮邊死灰路
何如松下畫淵明高風重憶公題句

題張星橋封翁暨德配王恭人行述應令嗣香坪

太守

樹壇

之屬

團樂兼痛苦家道在茲編內外傳翁德初終見母賢經
營誠不易榮貴豈徒然至竟惟詩禮書成手自鐫

錫類增吾感先芬世兩重

詢先嗣王母暨先嗣母皆旌表節孝

思親慚

柳郢交友得芳容一卷家庭話千秋墓道封題詩望鄉
樹爲爾淚痕濃

爲分宜曾潤甫大令

毓璋

題清徽嗣響圖

大令尊甫受恬

大令曾宰是邑故有此圖

一卷鈐陽譜吾看倍動情良朋雲夢幻廉吏水聲清與

記當年導

曾爲尊甫題板輿迎養圖

琴留此日鳴最難功德石兩世

泐芳名

經綸傳翰墨歌詠燦雲霞不朽在文苑斯才宜世家頭
銜新剖竹手澤舊栽花想見公餘感流連水木華

慶趾齋司馬屬題四時畫竹

東君着青眼个个意生新銳想出頭地高防折節人影
翻桃作浪香掃麴爲塵此色合泛酒流觴思水濱
世盡苦炎熱此君誠有功一場詩客兩三徑故人風老
屋年年在禪房處處通明知林下好清會與誰同
便有陵霄勢孤高亦不宜溪巖雖卓爾霜月甚復其隱

隱牧樵迹蕭蕭仙客姿夜深見燈火知是讀書時
未肯隨搖落漪漪固有情虛心過凍劫苦節得清聲屈
蟻行復起寒蟬久不鳴一枝留作筆圖畫亦崢嶸

題吳母高太孺人節孝錄

門戶支持并曰操卻於榮貴感辛勞故家遺物歸綳繡

令子述菴
爲遺腹生

聖主褒章到剪刀

述菴述母德
繪訓續圖

自古英雄孤愈起卽今

離亂節爲高徵詩不惜啼鵲血付與才人染彩毫

向子仲太守

紹先

以王子式杜傳寫仙筆二圖屬

題

了真山人簪花

掃除綺語淨無塵簪菊題詩笑爾身應是了真緣未了
又來塵世作才人

嚼墨山人對弈

柯山留此地竹院見斯人已得箇中趣仍爲局外身等
閒消白日歷劫看紅塵寄意曾無譜披圖莫認真

舒藹階廣文

寬諒

以所著試帖百首屬題

文體改八代

唐制試士改漢魏以來散詩而限以比語爲試律之始

科名重五言

漢唐裁別格沈宋得真源細膩耽吟癖高華應制尊轉
思臺閣客佳句幾人存

記得愁邊路相逢名下才雙溪萍梗聚九日菊花開別

感新詩卷焚傷故紙堆

予所藏書籍寄存靖安旅舍半爲賊燬矣

論文還此

日爲爾重徘徊

馬小菴司馬以所作風霜雨露畫竹四幅屬題

拔地干霄作直鈞偶因風色卻回身飄搖四面君休笑

我亦東西南北人

只應清節耐巖邱榮落無心過一秋多少慈龍閒草木

霜威纔壓便低頭

無端幽雨夜來生
个个垂頭黯有情
寥落客窓聞不得
願君描影莫描聲

新枝如粉滑如膏
潤澤成材未是豪
須識露華酬匪易
此君無愧只清操

爲何廉翁題萬足圖

繪攜子共立狀圖各取無官一身輕有子萬事足

一心能足萬緣虛
只恐丹青畫不如
此老清奇難着筆
有兒聰穎好藏書
若論富貴原身外
轉爲妻孥感劫餘
左顧孺人右釋子
願君添寫九華裾

廉翁守建昌全家殉難今孺人釋子

皆新
人也

新羅山人虎邱十景圖爲潘鳳岐大令題

憶我屢作吳中遊尋春弔古登虎邱分明金碧好山水
嗟哉忽被烽烟收平生遊興肯舍此縱不新遊仍故紙
此紙大是有心人畫興能令遊興起披圖一一精神傳
畫出勝地皆天然轉慚十景寫十幅未能一幅題一篇
白隄夜室生公石古寺平疇石雪積谿聲塔影鶴澗踪
元氣渾然了無跡收藏卻羨潘使君河陽花縣去去頻
行無長物獨此冊想見案牘消几塵老良宦倦耽邱壑

舊遊回首全蕭索安得東湖另影橋重煩此手圖行樂

爲沐湛露別駕

沐恩

戲題獅圖

畫大小獅各一位好懸掛此圖取大

師少師吉語也

一樣雄名大小呼居然聲望比公孤
爭猛畫出君休怪此是人間富貴圖

致仕賦呈同人

忽忽三十度居諸磨礪英雄氣盡除
鄉路上心頻畫艇宦年轉眼况懸車
何人雞肋還留汝有客麈頭早笑予
便是受恩無日報已衰慙入薦賢書

幾人廊廟幾邱林只要平生一片心
磨蝎豈能無順逆牢騷終不在升沈
黃公酒換身長繼白傅詩成淚滿襟
住久西山誰忘得可堪離別更登臨

花南硯北水東西倦鳥投林任意棲
白日放歌容我醉碧山如畫待人題
要除俗累思莊老恐惹狂名避阮嵇
記取歸田休著錄旣歸時事不宜提

行裘薄薄路漫漫終恐蕭條被俗訕
未必錢多官便好果然金盡士無顏
窮羞陸賈逢南海老幸周顒免北山
珍重豫投梅驛信此關能過是鄉還